

Waa maxay Deeqda Waxbarashada College Bound?

Ardayda dugsiga sare: Deeqda Waxbarashada College Bound waa qoonde hore oo laga bixinaayo deeqda dhaqaalaha gobalka oo la siinaayo ardayda u qalma ee iska diiwaan gasha dugsiga dhexe buuxshana balan-qaadka Deeqda Kuleejka. Deeqda Waxbarashada Kuleejka waxaa lagu biiriyaa deeqda kale ee dhaqaalaha gobalka (sida Deeqda Kuleejka ee Washington) si loo daboolo lacagta kuleejka (oo lagu salaynaayo qiimaha kuleejyada dawlada), qarashka qaar, iyo cadad yar oo qarashka buugta ah in ka badan 65 kuleej oo ku yaala Washington.

Waa maxay balan-qaadku?

Dugsiga dhexe, ardayda doonaaya inay Kuleej galaan ayaa balan qaadaaya:

- Inay ka qalin jebiyaan dugsiga sare ku yaala Gobalka Washington ama dhigtaan waxbarashada guriga ayna keenaan buundo celceliskeedu yahay 2.0 GPA ama ka badan.
- Inay soo gudbiyaan Codsiga Bilaashka ah ee Deeqda Federaalku siiyo Ardayda (Free Application for Federal Student Aid (FAFSA)) ama Codsiga Deeqda Dhaqaalaha Gobalka Washington (Washington Application for State Financial Aid (WASFA)) isla markaba kadib Oktoobar 1 sida macquulka ah markaad gasho fasalka ugu danbeeya dugsigaaga sare.
- Waa inuusan gelin wax danbi ah.

2022-23 celceliska dakhliga qoyska

Tirada dadka Guriga ku nool	Dakhliga Sanad kasta*
1	\$36,000
2	\$47,500
3	\$58,500
4	\$69,500
5	\$80,500
6	\$92,000
7.	\$94,000
8.	\$96,000

*Dakhliga guriga waa inuu ka yaraado ama u dhigmaa cadadkaan.

Kadib qalin jebinta, sidee ayaan ku helayaa Deeqda Kuleejka?

- Waa inaad buuxisaa shuruudaha balan-qaadka Deeqda Kuleejka.
- Waa inaad iska diiwaan gelisaa kuleej sanad gudihis kadib markaad hesho shahaadada dugsiga sare.
- Waa inaad noqotaa arday guul ka gaara kuleejkaaga.
- Waa inaad codsataa deeqda dhaqaalaha sanad kasta oo aad kuleejka ku jirto.
- Waa inaad buuxisaa shuruudaha dakhliga ee shaxda celceliska dakhliga qoyska.

Muxuu barnaamijka Deeqda College Bound iga doonayaa?

- Xaqiiji in barnaamijka Deeqda College Bound hayo xogtaada xariirka oo sax ah.
- Waydii lataliyaha dugsigaaga sare si aad u xaqiijiso inaad raacdo tubta xaqiijinaysa inaad buuxiso shuruudaha balan-qaadka.
- U diyaar garoow inaad kuleej raadsato adoo eegaaya liiska dugsiyada u qalma ood ka helayso webseedka Deeqda Kuleejka oo ah wsac.wa.gov/sfa-institutions.

Ma u baahan tahay Caawimaad? Aalada fariin qoraalka ee Otter!

Otterbot waa adeeg fariin qoraal bilaash ah oo loo sameeyay inuu ka taageero ardayda sii dhamaynaysa dugsiga sare ee iska diiwaan gashay Deeqda Waxbarashada Kuleejka. Otter ayaa kuusoo diraaaya xogta iyo xasuusinta deeqda dhaqaalaha. Ardayda ayaa ka heli kara Otterbot ayagoo adeegsanaaya fariin qoraal 24 saac maalintii, todobo maalmood asbuucii ayagoo fariin qoraal ugu diraaaya “Hi Otter” lambarka 360-928-7281.



Deeqda Waxbarashada College Bound waa barnaamij gobalku maalgasho ayna maamulaan Gudigga Guusha Ardayda ee Washington (Washington Student Achievement Council).

Si aad u hesho xog dheeraad ah oo ku saabsan barnaamijka iyo dookhyada deeqaha kale ee dhaqaalaha ka jira Washington, booqo wsac.wa.gov/sfa-overview, nagalaso xariir iimeelka oo ah collegebound@wsac.wa.gov, ama taleefanka oo ah phone at 888-535-0747, riix dookha 1.